



UNIVERSITÄTS-
BIBLIOTHEK
PADERBORN

Universitätsbibliothek Paderborn

Defensio Abbatiæ Imperialis S. Maximini

Zyllesius, Nicolaus

Treveris, 1638

7. Ottonis Magni Imperatoris Dat. Moguntiæ, Anno DCCCCXL.

urn:nbn:de:hbz:466:1-14268

sine nostro iussu placitum habere pr̄sumat, & vt hoc Authoritatis nostræ præceptum firmum ac stabile permaneat, hanc cartam scribi & annuli nostri impressione signari iussimus. Ego Grimlandus ad vicem Aduentij Archicappellani recognoui, Data Metis Ciuitate XVII. Kl. Maij Anno Dominicij Incarnationis DCCCLXVIII. Indictione prima, Anno Serenissimi Regis Lotharii XV. in Dei nomine feliciter. Amen.

XII

advencij

mai

XII



^{7.}
Ottonis Magni Imperatoris Datum Moguntiae,
Anno DCCCCXL.

IN nomine sanctæ & indiuiduæ Trinitatis. Otto diuinâ fauente clementiâ Rex. Nouerint omnes nostri fideles tam præsentes, quam etiam & futuri: Qualiter Ogo Venerabilis Abbas & reliqui Fratres ex Cœnobio Sancti Maximini, digna & venerabili religione insigniti nostram adierint clementiam, Germani nostri videlicet Henrici fulti interuentionis præsidio, nec non & Conradi nostri Comitis, quatenus nostræ Clementiæ decretum iuxta prædecessorum Regum morem in prædicto Cœnobio consentiremus illis quietem, secundum quod illorum religio & vita prætendebat, que diu ab Anterioribus post habita, sed authore Deo, tempore nostri Genitoris, scilicet Henrici Serenissimi Regis releuata. Ipsius amore & memoriâ succensi, quo fine tenus serueretur iuxta deliberationis voluntatem fideliumque nostrorum consilium & petitionem dedimus assensum. Hoc est, vt ipsi Fratres prædicto degentes loco, tanta religione dedito, à nullâ vñquam vim dominationis patientur personâ, sed neque ullius premantur ordinationis potestate, vel famulatus, absque voluntate electi Abbatis, qui à reliqua promouicatur eiusdem Cœnobii congregatiōne secundum S. Benedicti regulam, quando Dominus, vt voluerit prædecessorum discreuerit tempora, vtque in nostro & successorum nostrorum Regum maneant Mundiburdio, quatenus illorum quietudo, nostro defendatur Imperiali sceptro, Res quoque prædiorum loci dispositi, que vbinam nostro versantur in regno simili potiantur libertatis potestate, Hoc est in territorio Treuirensi, & loco dicto Embilado & Tabena, & quidquid ibi aspicit, & quidquid in pago Bleiensi visus est S. Maximinus habere, & in pago Halmenſi, & quidquid infra Ciuitatem Metis & suburbio illius Bessich, Euerlinga, Merschs, Gozeldinga,

Heh-

Hechchichesdorff, Wimariskircha, Marketiht, & quidquid in pago Beteñ. Valis, Cannis decima, Budinacha, Licauia, Guntershusen, Riuenaga, & quidquid ultra Rhenum ipse beatissimus visus est habere, Cella etiam quę Appula dicitur, & quidquid ad ipsam aspicit, Annectimus etiam confirmationis causa, & Ecclesiam, quę est in villa Theodonis nostri Palatij cum duobus mansis, quam noster Genitor ob recordationem suę memorię prefato contulerat loco, ut que nostrę recordatio memorię in reliquum & per omne tempus inibi habeatur, & successores nostros precando monemus, vt quę statuimus, ob honorem Dei & Beati Maximini confirment, Et hoc testamentum conscriptionis fieri iussimus, nostrique impressione annuli roboratum tradidimus.

Signum Dñi Ottonis inuictissimi Regis.
Popo Cancellarius ad vicem Ruoderti
Archicancellarij subnotauit. Data III: No-
nas Iunij Anno Incarnationis Domini
DCCCCXL. Indictione XIII. anno au-
tem Regni Ottonis p̄fissimi Regis IV.
Actum Moguntie in Dei nomine. Amen.



8.

*Ottonis Magni Imperatoris Datum Vitlariæ,
Anno DCCCCXLIII.*

IN nomine sanctæ & indiuiduæ Trinitatis. Otto diuina fauente Clementia Rex. Nouerit omnium fidelium nostrorum tam præsentium, quam futuorum industria, quod Nos pro amore DEI & precatu Venerabilis Archiepiscopi nostri Friderici, monachis in loco, qui Treuiris dicitur ad Monasterium Sancti Maximini Deo familiaribus, nostræ liberalitatis munere potestatem eligendi concedimus inter se Abbatem, cum fieri necessitas postulauerit, quemcunque voluerint. Si autem, quod non optamus, inter illos huic regimini aptus inueniri non potuerit, vbi cunque regulari vitæ illorum dignissimus & gratus eis inuentus fuerit, electioni illorum assensus præbeatur in ipso. Et ut hæc no-

flx